

06 MAY 1996

MAHATHIR BERDIALOG DENGAN SEKTOR SWASTA MENGENAI RMK7

KUALA LUMPUR, 6 Mei (Bernama) -- Perdana Menteri Datuk Seri Dr Mahathir Mohamad pagi ini mengadakan sesi dialog dengan sektor swasta mengenai Rancangan Malaysia Ketujuh (RMK7) sebelum membentangkannya di Parlimen pada sebelah petang.

Sesi dialog itu dihadiri oleh 700 peserta termasuk tokoh korporat dan wakil dari lima dewan perdagangan tempatan dan dua dewan perdagangan asing.

Menteri Perdagangan Antarabangsa dan Industri Datuk Seri Rafidah Aziz juga menghadiri dialog itu.

Dalam kenyataannya sebelum dialog bermula, Perdana Menteri berkata RMK7 akan menjadi titik perubahan bagi merangsangkan lagi pembangunan ekonomi negara dalam tempoh seribu tahun akan datang.

Menurut beliau, jika rancangan-rancangan sebelumnya berkisar kepada usaha mewujudkan banyak peluang pekerjaan untuk rakyat, RMK7 tertumpu bagi mengatasi kekurangan pekerja dan menangani masalah defisit akaun semasa sekarang.

Beliau berkata RMK7 akan membawa kemajuan dan lonjakan lebih berar ke arah mencapai matlamat Wawasan 2020 bagi Malaysia menjadi negara maju. --

BERNAMA

TCL CTL